

## **Javno preduzeće „ZENICAGAS“ d.o.o. Zenica Nadzorni odbor**

Na osnovu člana 8. Zakona o ministarskim, vladinim i drugim imenovanjima Federacije BiH („Službene novine FBiH broj: 12/03, 34/03 i 65/13), člana 12. Zakona o javnim preduzećima u Federaciji BiH („Službene novine FBiH“ broj: 8/05 81/08, 22/09, 109/12), člana 263. tačka 3. Zakona o privrednim društvima („Službene novine FBiH“, broj: 81/15 i 75/21), člana 36. stav (1) alineja 3 i člana 41. Statuta Javnog preduzeća „ZENICAGAS“ d.o.o., Zenica, („Službene novine Grada Zenica“, broj: 01-49-936/18-1 od 17.09.2018. godine), Odluke o izmjeni statuta (broj: 02-49-2198/18, 02-45-875-1/21 i 02-45-1191/22 godine), Odluke o raspisivanju javnog konkursa za izbor i imenovanje direktora JP „ZENICAGAS“ d.o.o. Zenica broj: 01-2535/23 od 12.04.2023. Godine, Nadzorni odbor Javnog preduzeća „ZENICAGAS“ d.o.o., objavljuje:

### **JAVNI KONKURS**

*za izbor i imenovanje direktora Javnog preduzeća „ZENICAGAS“ d.o.o., Zenica*

Objavljuje se konkurs za izbor i imenovanje direktora Javnog preduzeća „ZENICAGAS“ d.o.o. Zenica na mandatni period od četiri godine, sa mogućnošću ponovnog imenovanja.

#### **Opis pozicije direktora** Javnog preduzeća „ZENICAGAS“ d.o.o. Zenica

Direktor Javnog preduzeća „ZENICAGAS“ d.o.o. Zenica, u skladu sa članom 39. Statuta Javnog preduzeća „ZENICAGAS“ d.o.o. Zenica ima sljedeće nadležnosti: rukovođenje procesom rada, izvještavanje Nadzornog odbora na njegov zahtjev, provođenje etičkog kodeksa, izradu prijedloga i nadgledanje realizacije planova poslovanja, osiguranje provedbe propisa u procedurama javnih nabavki, pripremu kalkulacije cijena usluga Preduzeća, daje prijedlog Nadzornom odboru za donošenje, izmjenu, dopunu opštih akata, koji regulišu unutrašnju organizaciju i sistematizaciju radnih mjesta, plaća i naknada radnika, pripremanje prijedloga o raspodjeli dobiti ili pokriću gubitaka, odlučivanje o pravima i obavezama zaposlenika, primjenu preporuka Odjela za reviziju, druge aktivnosti neophodne za nesmetano poslovanje Preduzeća.

#### **Kandidati za imenovanje moraju ispunjavati opšte i posebne uslove.**

##### **I Opšti uslovi za imenovanje su:**

1. da je stariji od 18 godina,
2. da je državljanin Bosne i Hercegovine,
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta ) u periodu od tri godine prije dana objavljivanja upražnjene pozicije,
4. da nije na pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH („Službene novine FBiH broj: 12/03, 34/03 i 65/13),
6. da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu Zakona o sukobu interesa u organima vlasti u Federaciji BiH („Službene novine FBiH“ , broj: 70/08),
7. da nema privatni/finansijski interes u Javnom preduzeću „ZENICAGAS“ d.o.o.,

8. da nije osuđivan za krivično djelo i za prekršaj nespojiv sa dužnošću za koju se kandiduje, pet godina od dana pravosnažnosti presude, isključujući vrijeme zatvorske kazne,
9. da nije lice kojem je presudom suda zabranjeno obavljanje aktivnosti direktora u javnim preduzećima u FBiH,
10. da je zdravstveno sposoban za obavljanje poslova radnog mjesta na koje se prijavljuje

## **II Posebni uslovi za imenovanje su:**

1. VSS-VII stepen stručne spreme, odnosno visoko obrazovanje I (240 ECTS), II ili III ciklusa Bolonjskog sistema studiranja - mašinskog, građevinskog ili ekonomskog smjera,
2. da ima najmanje pet godina radnog iskustva u struci i spremi od čega najmanje tri godine na rukovodnom mjestu,
3. da kandidat posjeduje certifikat o završenom usavršavanju izdat od strane nadležnog organa, u skladu sa odredbama Uredbe o usavršavanju predsjednika i članova Nadzornog odbora i uprava privrednih društava sa učešćem državnog kapitala („Službene novine Federacije BiH“, broj: 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22)  
Ukoliko kandidat ne posjeduje certifikat, dužan je dostaviti izjavu ovjerenu od strane nadležnog organa kojom se obavezuje da će u roku od šest mjeseci od dana imenovanja proći stručno usavršavanje i steći certifikat o završenom usavršavanju, odnosno dostaviti važeće uvjerenje o svom statusu kao kandidatu u postupku usavršavanja iz člana 7a Uredbe,
4. komunikativnost, sposobnost vođenja, timski rad, inovativnost i efikasnost,
5. da ponudi program razvoja Preduzeća za period od četiri godine, koji će biti predmet analize i ocjene u konkursnom postupku.

## **IV Potrebni dokumenti:**

Svojeručno potpisana prijava kandidata treba da sadrži kraću biografiju, adresu i kontakt telefon.

Uz prijavu je potrebno dostaviti:

1. diploma o završenom visokom obrazovanju,
2. dokaz o radnom iskustvu (potvrda iz koje se može utvrditi radno mjesto, tražena stručna sprema za radno mjesto i dužina radnog iskustva),
3. uvjerenje o državljanstvu (ne stariji od 6 mjeseci),
4. certifikat o završenom usavršavanju izdat od strane nadležnog organa, u skladu sa odredbama Uredbe o usavršavanju predsjednika i članova Nadzornog odbora i uprava privrednih društava sa učešćem državnog kapitala („Službene novine Federacije BiH“, broj: 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22)  
Ukoliko kandidat ne posjeduje certifikat, dužan je dostaviti izjavu ovjerenu od strane nadležnog organa kojom se obavezuje da će u roku od šest mjeseci od dana imenovanja proći stručno usavršavanje i steći certifikat o završenom usavršavanju, odnosno dostaviti važeće uvjerenje o svom statusu kao kandidatu u postupku usavršavanja iz člana 7a Uredbe ( izjava ne smije biti starija od datuma objave ovog Oglasa),
5. Program razvoja Preduzeća za period od četiri godine,
6. izjavu kandidata ovjerenu od strane nadležnog organa o činjenicama nabrojanim u tačkama 3. do 7. Opštih uslova Oglasa (sve navedene izjave mogu biti tekstualno

sadržane na jednom ovjerenom listu i ne smiju biti starije od datuma objave ovog Oglasa)

Uvjerenja kojima se dokazuje ispunjenost opštih uslova za imenovanje iz tačke 8. i 9., odgovorni javni službenik će zatražiti od kandidata koji bude predložen za konačno imenovanje. Kandidat koji bude izabran dužan je dostaviti tražena uvjerenja u roku od 5 dana od dana izbora i ista ne smiju biti starija od datuma objavljivanja Oglasa.

Uvjerenje kojima se dokazuje ispunjenost opštih uslova za imenovanje iz tačke i 10., izabrani kandidat je dužan dostaviti u roku od 5 dana od dana izbora i isto ne smije biti starije od datuma objavljivanja Oglasa.

**Dokumenti koji se prilažu uz prijavu na Konkurs moraju biti originali ili ovjerene kopije.**

Sa kandidatima koji uđu u uži izbor Komisija će obaviti intervju. Prije intervjuja kandidati će biti pozvani da daju podatke o ranijim neposrednim rukovodiocima od kojih se mogu, zatražiti dodatne preporuke i informacije o kandidatima.

Prilikom pristupanja kandidata na intervju, kandidat je obavezan ispuniti obrazac u kojem će iznijeti bilo koje pitanje ili mogućnost koja bi mogla dovest do sukoba interesa u slučaju da dođe do njegovog imenovanja.

U slučaju kada postoje dokazi da u postupku imenovanja nisu ispoštovani principi ili postupci utvrđeni Zakonom o ministarskim, vladinim i drugim imenovanjima Federacije Bosne i Hercegovine, zainteresovana stranka može podnijeti prigovor na konačno imenovanje.

Prigovor se podnosi Nadzornom odboru JP „ZENICAGAS“ d.o.o. Zenica, u roku od sedam dana od dana imenovanja.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka Bosne i Hercegovine („Službeni glasnik BiH“, broj: 49/06, 76/11 i 89/11).

**Prijave sa potrebnom dokumentacijom se dostavlja lično ili poštom na adresu:**

Javno preduzeće „ZENICAGAS“ d.o.o., Zenica  
Nadzorni odbor Javnog preduzeća „ZENICAGAS“ d.o.o., Zenica  
ul. Masarykova 48, 72 000, Zenica  
sa naznakom „Prijava na konkurs za izbor i imenovanje direktora Javnog preduzeća  
„ZENICAGAS“ d.o.o., Zenica – **NE OTVARAJ**“

Konkurs ostaje otvoren 15 (petnaest) dana od dana njegovog posljednjeg objavljivanja, a isti će biti objavljen u „Službenim novinama Federacije BiH“ i dnevnom listu „Dnevni avaz“, web stranici Grada Zenica i web stranici Preduzeća [www.zenicagas.ba](http://www.zenicagas.ba).

Nepotpune i neblagovremene prijave neće se uzeti u razmatranje.

Kandidati koji ispunjavaju uslove Konkursa bit će telefonski i pismeno obaviješteni o mjestu i vremenu obavljanja intervjuja.